

2.1 Granična sigurnost

2.1.1. Migracije (sigurnosni aspekti)

Nastavljen je trend smanjenja prometa osoba i transportnih sredstava preko državne granice. Ovo smanjenje je najvjerojatnije uzrokovano svjetskom finansijskom i ekonomskom krizom.

Pojačane su granične provjere na graničnim prijelazima. Otkrivene su 744 osobe koje se po raznim osnovama nalaze u bazama potraga Granične policije što je za 5,98 % više nego u istom periodu 2009. godine.

U ovom periodu registrirano je **povećanje prometa preko granice državljana visokog migracijskog rizika.** I pored toga smanjila se razlika između ulaska i izlaska državljana ovih država. Ovo smanjenje razlike broja ulaz/izlaz se posebno odnosi na državljane Turske.

Došlo je do smanjenja broja odbijenih ulazaka u BiH za 569 osoba ili 28,96 %. Najčešći razlozi odbijanja su neposjedovanje važeće putne isprave i neposjedovanje vize za ulazak, boravak i prelazak.

Nastavljen je trend smanjenja ilegalnog prelaženja državne granice za 14,37%. Ovo je, pored mjera Granične policije, rezultat provođenja zajedničkih patrola sa graničnim policijama Republike Hrvatske, Republike Srbije i Crne Gore.

Po Sporazumu sa Republikom Hrvatskom o saradnji u predaji i prihvatu osoba čiji je boravak protivzakonit, prihvaćene su 173 osobe koje su nezakonito ušle iz BiH na teritorij Hrvatske, što je u odnosu na isti period prošle godine povećanje od 23,57%.

Granična policija je nadležnim tužilaštvima u BiH dostavila **105 službenih izvještaja** zbog postojanja osnova sumnje da je na graničnim prijelazima i u graničnom pojasu počinjeno **128** krivičnih djela za koja je prijavljeno **147** osoba, što je smanjenje u pomenutim segmentima u odnosu na prethodnu godinu.

- **Ostvareni su pozitivni pomaci na otkrivanju ilegalnog prometa opojnih droga preko državne granice u prvih šest mjeseci 2010. godine.**
- **Pozitivni pomaci su ostvareni i na presijecanju krijumčarenja roba preko državne granice.**
- **Uporedni podaci za naznačeni period (2009. - 2010. godina) pokazuju da je broj registriranih prekršaja na državnoj granici manji za 8,49 %.**
- **Broj izdatih viza na granici je u odnosu na isti period 2009. godine povećan za 20,83%**

Projekat **zapriječavanja lokacija pogodnih za ilegalni prelazak kopnene granice** motornim vozilima između BiH i Republike Hrvatske (realiziran u 2008. godini) **doprinosi povoljnijem stanju na granici a nadzor nad postavljenim preprekama vrši se kontinuirano.** Trenutno su u toku aktivnosti na Projektu **zapriječavanja lokacija pogodnih za ilegalni prelazak kopnene granice** motornim vozilima između BiH i Crne Gore. Određene su 44 lokacije za **zaprečavanje**, od kojih je 21 lokacija na području JGP Hum a 23 u nadležnosti JGP Trebinje.

Služba za poslove sa strancima prvenstveno se bavila nadzorom i kontrolom nad kretanjem i boravkom stranaca u Bosni i Hercegovini, kroz obavljanje administrativno-upravnih i inspeksijskih poslova. Izvršila je 154.204 prijave-odjave boravka stranih državljana, što je povećanje od 0,35% u odnosu na prvih šest mjeseci 2009. godine. **Kontinuiranim operativnim radom inspektora za strance na terenu kao i čestim inspeksijskim kontrolama fizičkih i pravnih osoba koje pružaju usluge smještaja strancima, prijava boravišta je u dobroj mjeri stavljena pod kontrolu.** Tokom prvih šest mjeseci ove godine izvedene su četiri velike inspeksijske kontrole kretanja i boravka stranaca na teritoriji BiH.

Rješavajući po zahtjevima za **odobrenje-produženje privremenog boravka u analiziranom periodu, privremeni boravak odobren je u 1.908 slučajeva i produžen u 2.076 slučajeva, što ukupno iznosi 3.984 odobrenih – produženih privremenih boravaka i predstavlja umanj enje za 1,34% u odnosu na isti period 2009. godine.**

U prvih šest mjeseci 2010. godine broj podnesenih zahtjeva za **odobrenje stalnog boravka** iznosio je 148, od toga je u 139 slučajeva odobren a u 3 slučaja odbijen zahtjev za **odobrenje stalnog boravka, što je umanj enje od 7,5%.**

Stalni boravak u prvih šest mjeseci 2010. godine u najvećem procentu odobren je državljanima Kine, zatim Republike Hrvatske, Makedonije, Turske i dr.

Prilikom inspeksijskih kontrola Službe za poslove sa strancima izvršeno je preduzimanje određenih mjera prema strancima u 763 slučaja i to; **doneseno je 105 rješenja o otkazu bezvignog boravka, 82 rješenja o otkazu privremenog boravka, 38 rješenja o otkazu stalnog boravka, 44 rješenja o otkazu bezvignog boravka sa izrečenom mjerom protjerivanja, 231 rješenje o protjerivanju stranaca iz BiH, dok je za 172 osobe rješenjem određena mjera stavljanja pod nadzor (od čega su 152 osobe smještene u Imigracioni centar, 19 je osoba smješteno pod nadzor u mjestu boravišta, dok je jedna osoba smještena u sigurnu kuću), što je uvećanje od 26,74% u odnosu na isti period 2009. godine.**

Kada je riječ o otkazu boravka, najviše navedenih mjera doneseno je prema državljanima Republike Srbije, zatim Republike Hrvatske, Kine, Mađarske i dr. **Otkaz boravka je najčešće izrican zbog rada bez posjedovanja radne dozvole kao i zbog bitno izmijenjenih činjenica na osnovu kojih je boravak odobren.**

Sa sigurnosnog aspekta važno je napomenuti da trenutno u Imigracionom centru pod nadzorom boravi pet osoba koje su od strane nadležne sigurnosne agencije okvalifikovane kao osobe čije prisustvo predstavlja prijetnju javnom poretku ili nacionalnoj sigurnosti BiH, gdje se provode dalje mjere iz nadležnosti Službe.

Aktuelna saznanja **Obavještajno- sigurnosne agencije BiH** ukazuju da su organizatori i finansijeri ilegalnih migracija preko Bosne i Hercegovine te dalje prema zemljama zapadne Evrope većinom iz zemalja u okruženju, dok su državljani naše zemlje pomagači u navedenim nezakonitim aktivnostima.

Posredstvom **Ureda Interpola Sarajevo** u toku prvog polugodišta 2010. godine izvršeno je osam transfera osoba- deportiraca i osuđenika, kako deportacija osoba iz drugih zemalja (članica Interpola) u BiH tako i iz BiH u drugu zemlju članicu Interpola.

2.1.2. Prekogranični kriminal- saradnja zemalja Regiona

Ured Interpola Sarajevo u prvom polugodištu 2010. godine obradio je 94 predmeta iz ove problematike. Od tog broja, **84 predmeta su eksterna (zahtjevi SECI Centra i NCB-a država članica Interpola- posebno zemalja iz Regiona) a 10 predmeta zaprimljeno je i obrađeno na zahtjeve domaćih agencija i službi za provođenje zakona.**

Od ukupnog broja obrađenih predmeta najveći dio odnosio se na svakodnevne razmjene operativnih podataka i dostave određenih informacija, provjere i utvrđivanja identiteta osoba. Kroz dnevnu razmjenu podataka obrađivani su predmetni akti koji se odnose na policijske i carinske zahtjeve, zatim razmjenu informacija u okviru Balkan- info sistema te razne druge vrste informacija. Informacije su se pretežno odnosile na operativne detalje falsifikovanja novca, zatim na modus operandi u okviru ilegalnih imigracija i seksualne eksploatacije djece, **kao i na detalje o saznanjima i informacijama u Evropskoj uniji o potencijalnim terorističkim prijetnjama.** Svi ovi predmeti i informacije s njima u vezi prosljeđene su Agenciji za istrage i zaštitu BiH, Graničnoj policiji BiH, Federalnom MUP-u, MUP-u Republike Srpske i Policiji Distrikta Brčko, koji su po njima postupali.

Svi prezentirani podaci ukazuju da je Bosna i Hercegovina potpuno posvećena suzbijanju nezakonitih migracija i prekograničnog kriminala.

2.2. Stanje kriminaliteta

Stanje kriminaliteta u Bosni i Hercegovini u prvih šest mjeseci 2010. godine **karakterizira dalje smanjenje ukupnog broja izvršenih krivičnih djela (za 1,43%), povoljan procenat ukupne rasvjetljenosti evidentiranih krivičnih djela (67,4%), ali i povećanje registriranih prekršaja iz oblasti javnog reda i mira (3,68%).**

U prvom polugodištu 2010. godine sve policijske agencije u Bosni i Hercegovini evidentirale su 16.914 izvršenih krivičnih djela što je za 1,43% manje nego u istom periodu prethodne godine. U Federaciji BiH evidentirano je 11.565 krivičnih djela, 7% više; u Republici Srpskoj 4.836 djela ili 15,10% manje, a u Brčko Distriktu BiH 513 ili za 20,5% manje nego u istom periodu prethodne godine.

U izvršenju ovih djela na nivou BiH registrirano je 12.275 izvršilaca, što je za 17% manje nego u istom periodu 2009. godine. U Federaciji BiH evidentirano je 8.238 izvršilaca ili za 23,84% manje, u Republici Srpskoj više je izvršilaca za 0,46% a u Brčko Distriktu više ih je za 42%, što se posebno odnosi na osobe za koje se sumnja da su u počinile neko od krivičnih djela iz oblasti zloupotrebe droga.

Kod povratnika u činjenju krivičnih djela, u Federaciji BiH registrirano je povećanje (10,6%), u Republici Srpskoj ostalo je na prošlogodišnjem nivou (svaki četvrti), a kod učešća pmaloljetnika u vršenju krivičnih djela u Federaciji BiH registriran je pad od 4,3% dok je u Republici Srpskoj smanjenje za značajnih 21,80%.

Registriran je manji porast ubistava (29) od kojih je skoro pola izvršeno vatrenim oružjem-karakterističan je slučaj trostrukog ubistva u Visokom. Činjenica je da je procenat rasvjetljenosti ovih krivičnih djela visok (99%).

Smanjen je broj krivičnih djela protiv spolne slobode i morala odnosno protiv spolnog integriteta. Svi počinioци su otkriveni.

I dalje su najbrojnija krivična djela protiv imovine. Procenat rasvjetljenosti po nepoznatom izvršiocu je na nivou BiH oko 42%. Procenat rasvjetljenih krivičnih djela izvršenih u ranijem periodu je veći i prelazi preko 50%.

2.2.1. Organizirani kriminal

Organiziranom kriminalu su pogodovali tokovi globalne ekonomske krize u čijem kontekstu se, uvećavanjem broja nezaposlenih i osoba koja nastoje osigurati egzistenciju, uvećava i broj potencijalnih novih učesnika u njegovim različitim formama. U nekim gradovima BiH registrirani su međusobni obračuni suparničkih kriminalnih grupa, u pojedinim slučajevima i uz upotrebu vatrenog oružja.

Zahvaljujući intenzivnijoj regionalnoj policijskoj saradnji Bosna i Hercegovina je sve manje tranzitna zemlja za razne kriminalne aktivnosti, a sve više uspješan partner u borbi protiv toga.

2. 2.2.Terrorizam

Zbog terorističkog napada na policijsku stanicu u Bugojnu, Tužilaštvu BiH podnesen je službeni izvještaj protiv dva lica, državljana BiH, iz člana 201 KZ BiH, dok su protiv tri lica, također državljana

BiH, podnijeti izvještaji zbog postojanja osnova sumnje da su pružali pomoć učiniocima nakon učinjenog krivičnog djela. Tužilaštvo BiH istražuje sve aspekte ovog akta.

Podaci o sigurnosnim **aspektima aktivnosti pojedinih osoba stranog porijekla** u BiH za sada ne ukazuju na konkretniju vezu tih osoba sa međunarodnim terorizmom. Ipak, i dalje sugeriraju postojanje kontakata sa drugim osobama iz tog miljea u inostranstvu, te mogućeg korištenja BiH kao zemlje u tranzitu. Za jedan broj bivših državljana BiH stranog porijekla, od kojih pojedinci borave i u BiH, na osnovu ukupnih ranijih saznanja ocijenjeno je da predstavljaju prijetnju nacionalnoj sigurnosti i kao takvima im je oduzeto državljanstvo, pa je u toku postupak njihove deportacije. Ipak, velika većina njih je napustila BiH i poznato je gdje se nalaze.

Obavještajno-sigurnosna agencija (OSA) u posmatranom periodu također **nije došla do konkretnih podataka, koji bi ukazivali na mogućnost** da neke novoformirane humanitarne organizacije u BiH „zloupotrebljavaju svoje djelovanje na način da su se transformirale i nastavile djelovati u drugom obliku i pod drugim imenom“, o čemu su, u više navrata, u pojedinim medijima prezentirani sadržaji o navodnom nastavku aktivnosti u Bosni i Hercegovini raznih humanitarnih organizacija čiji je rad zabranjen tokom 2001.-2004. godine.

Stanje kriminala u oblasti finansiranja terorističkih aktivnosti, posmatrano sa aspekta statističkih i drugih pokazatelja, od 2008. godine ima tendenciju pada, na što ukazuje prijavljivanje manjeg broja sumnjivih transakcija koje ukazuju na predmetni oblik kriminala, manji broj zahtjeva za provjeru posredstvom Egmont grupe i broj predmeta u radu koji je relativno smanjen.

OSA BiH kao i druge policijske agencije u periodu januar – juni 2010. godine na području cijele Bosne i Hercegovine **registrirale su određeni broj akata nasilja prema pripadnicima pojedinih nacionalnih, vjerskih ili drugih grupacija ili njihovoj imovini, objektima i obilježjima**, ali i drugih incidenata koji su negativno utjecali na međunacionalne odnose i stanje opće sigurnosti građana (oštećenja sakralnih objekata, nadgrobni obilježja i znamenja svih konfesija u BiH, slučajevi narušavanja javnog reda i mira na nacionalnoj osnovi, aktiviranje eksplozivnih naprava, pisanje uvredljivih-nacionalističkih grafita, uništavanje državnih simbola i slično) što ekstremni pojedinci mogu iskoristiti kao „motiv“ za svoje ispoljavanje, pa i terorističko djelovanje.

Akti nasilja koji su imali negativnog odraza na ukupnu sigurnosnu situaciju, od kojih najveći broj njih predstavljaju klasična krivična djela, jednim dijelom **su u vezi sa uspostavljanjem odnosa i obračunima kriminalaca uz korištenje sredstava nasilja (vatrene oružja i minsko-eksplozivnih sredstava) i moguće ugrožavanje drugih građana i njihove imovine**.

Tokom 2010. godine, takvi akti registrirani su takođe na više različitih lokaliteta u BiH (uglavnom se radilo o aktiviranju eksplozivnih naprava ispod putničkih automobila, te pred ugostiteljskim objektima u kasnim večernjim satima). Sve je to doprinosilo stvaranju osjećaja nesigurnosti kod građana, ali je izazvalo i veći stepen njihove podozrivosti prema osobama sumnjivog ponašanja. U naznačenom periodu podnijeti su krivični izvještaji protiv 376 osoba zbog počinjenih krivičnih djela protiv opće sigurnosti ljudi i imovine odnosno zbog nedozvoljenog korištenja, držanja ili preprodaje oružja ili eksplozivnih materija.

2.2.3.Falsificiranje ličnih dokumenata (falsificiranje ličnih karti, vozačkih dozvola, putnih isprava)

U prvih šest mjeseci 2010. godine sigurnosne agencije BiH registrirale su 502 krivična djela falsificiranja dokumenata, **što je smanjenje za 1,18% u odnosu na isti period prošle godine**. Pretežan dio ovih predmeta se odnosi na falsificiranje dokumentacije pri registriranju vozila, falsificiranje

brojeva šasije i motora zatim diploma i svjedočanstava, manjim dijelom falsificiranja dokumentacije u vezi vozačkih dozvola i dr.

U toku ovog perioda pripadnici **Granične policije** izvršili su privremeno oduzimanje 46 dokumenata za koje se sumnja da su falsificirani što je smanjenje za 22,03% u odnosu na isti period 2009. godine.

Broj privremeno oduzetih dokumenata na državnoj granici po vrstama dat je u tabeli:

VRSTA DOKUMENTA	UKUPAN BROJ		
	I-VI 2010.	I-VI 2009.	+/- %
Pasoš	6	10	-40
Saobraćajna dozvola	3	8	-62,50
Vozačka dozvola	7	6	16,67
Lična karta	7	6	16,67
Viza	3	1	200
Dozvola boravka	1	0	/
Punomoć za vozilo	1	1	/
Osiguranje za vozilo	2	2	/
Ostalo	16	25	-36
Ukupno	46	59	-22,03

Struktura otkrivenih falsificiranih dokumenata na granici sa susjednim zemljama i u zračnom i pomorskom prometu:

FALSIFICIRANI DOKUMENTI				
Otkriveni na granici sa	Br. slučajeva	Br. dokumenata	Na ulazu u BiH	Na izlazu iz BiH
Hrvatskom	15	18	8	10
Crnom Gorom	3	4	2	2
Srbijom	9	11	8	3
Aerodromi	6	13	5	8
Pomorski prijelazi	0	0	0	0
Ukupno	33	46	23	23

Broj otkrivenih falsificiranih dokumenata po državama kojima pripadaju je: Bosna i Hercegovina 15, Srbija 9, Italija 6, Bugarska 3, Hrvatska 3, i dr.

2. 2.4. Oduzeto oružje, municija, minsko-eksplozivna sredstva

Red. Br.	MUP-ovi entiteta i Policija Brčko Distrikta BiH	KD Ilegalno držanje i trgovina oružjem	
		I-VI 2010.	I-VI 2009.
1.	FMUP	159	186
2.	MUP RS	266	221
3.	Policija Brčko Distrikta BiH	-	-
4.	SIPA	8	4
5.	Granična policija BiH	24	70
Ukupno u BiH		457	481

U prvih šest mjeseci 2010. godine u Bosni i Hercegovini je za 4,98% manje krivičnih djela vezanih za ilegalno držanje i trgovinu oružja, municije i minsko-eksplozivnih sredstava nego u istom periodu prošle godine, što je ohrabrujuća činjenica.

U akcijama sigurnosnih agencija u BiH u ovom periodu oduzeto je za 26,5% više vatrenog oružja i minsko-eksplozivnih sredstava nego prethodne godine, što je rezultat pojačanih aktivnosti policije na terenu. Međutim, kod građana je još uvijek velika količina naoružanja, a neki obavještajni podaci ukazuju da ponovo oživljava ilegalna trgovina oružjem od Kosova, Crne Gore preko BiH do Hrvatske i dalje.

Na bh. graničnim prijelazima u proteklih šest mjeseci pripadnici Granične policije pronašli su sljedeće oružje:

GP Trebinje: 9 pištolja

GP Višegrad: 1 lovačka puška

GP Kamensko: 2 detonatorske kapisle

GP Brčko: 100 kom. razne municije

GP Brod: 1 vazдушna puška i 23 kom. municije

GP Kladuša: 1 lovačka puška

GP Gradiška: 1 vazдушna puška

GP Orašje: 8 ručnih bombi, 1 lovačka puška i 400 kom. municije



Na Graničnom prijelazu Trebinje zaplijenjeno je devet pištolja. U ovom graničnom pojasu prema Crnoj Gori, nakon izvjesnog „zatišja“, ponovo je prisutna trgovina oružjem, posebno pištoljima, jer je „duge cijevi“ teže prebaciti preko granice. Na Graničnom prijelazu Orašje zaplijenjeno je osam ručnih bombi, što potvrđuje ranija policijska saznanja da pojedina lica prenose iz BiH minsko-eksplozivna sredstva u Hrvatsku i tamo ih lageruju do vremena kada će Hrvatska ući u EU da bi ih lakše prodali u zapadnoevropskim zemljama.

U policijskim akcijama, u Trebinju, Prijedoru, Stocu i Grudama zaplijenjeno je 11 ručnih bombi, dvije puške, puškomitraljez, pištolj i više stotina komada municije raznog kalibra. Sličnih akcija manjih razmjera bilo je i u drugim gradovima BiH.

Velika količina naoružanja u ilegalnom posjedu utiče na broj oružanih incidenata u BiH (misli se na ubistva, oružane pljačke, napade na tijelo i život i remećenje javnog reda i mira pucnjavom), koji su iz godine u godinu u porastu.

MUP Republike Srpske registrirao je 58 krivičnih djela izazivanje opće opasnosti, što je 26% manje, a njihova ukupna rasvijetljenost je vrlo povoljna i iznosi 87%. Za izvršenje ovih krivičnih djela prijavljena su 54 počinitelja. Evidentirano je 16 eksplozija (u istom periodu prošle godine 18), od kojih su u sedam slučajeva predmet napada bili stambeni objekti, pet ugostiteljski lokali, trgovine i poslovni prostori, a u ostalim slučajevima na otvorenom prostoru. Poginulo je jedno a ranjeno sedam osoba.

Federalni MUP registrirao je 214 krivičnih djela protiv opće sigurnosti ljudi i imovine (više za 23%) od čega 170 krivičnih djela izazivanje opće opasnosti. Rasvijetljeno je 50,5% takvih djela za koja je prijavljeno 135 osoba. Objekti napada su automobili, ugostiteljski objekti i dr. Također, registrirano je jedno krivično djelo nepropisni prevoz eksplozivnog ili zapaljivog materijala.

2. 2.5. Krijumčarenje i trgovina ljudima

Krivična djela krijumčarenje ljudi i trgovina ljudima u prvih šest mjeseci ove godine, u odnosu na isti period prošle godine, zadržala su se na istom nivou.

Red. Br.	MUP-ovi entiteta i Policija Brčko Distrikta BiH	Broj KD	
		I-VI 2010.	I-VI 2009.
1.	FMUP	4	2
2.	MUP RS	3	2
3.	Policija Brčko Distrikta BiH	-	-
4.	Granična policija BiH	16	14
5.	SIPA	7	12
Ukupno u BiH		30	30

Državna agencija za istrage i zaštitu (SIPA) je radeći na sprječavanju i otkrivanju krivičnih djela u vezi sa trgovinom ljudima u prvom polugodištu 2010. godine podnijela sedam izvještaja o počinjenom krivičnom djelu trgovine ljudima ili koja se mogu dovesti u vezu sa predmetnim krivičnim djelom protiv devet lica kojima je prijavljeno devet krivičnih djela (12 izvještaja protiv 23 lica u istom periodu 2009. godine) i dvije dopune izvještaja protiv 24 lica. Riječ je o krivičnim djelima: krijumčarenje, trgovina ljudima, navođenje na prostituciju, zapuštanje ili zlostavljanje djeteta ili maloljetnika, zasnivanje ropskog odnosa te nezakonito uskraćivanje identifikacionih dokumenata.

Granična policija BiH podnijela je nadležnim tužilaštvima 16 službenih izvještaja za krijumčarenje lica, od čega se četiri službena izvještaja odnose na organizirani kriminal.

MUP Republike Srpske podnio je tri izvještaja protiv izvršitelja pomenutih djela, od kojih je jedan za krivično djelo trgovina ljudima radi prostitucije.

Za ista krivična djela Federalni MUP podnio je četiri izvještaja.

Iako je trend kriminala ove vrste u kojima su žrtve državljani BiH u granicama prošlogodišnjeg prosjeka, posljednji statistički podaci ukazuju da je u porastu broj maloljetnih žrtava kojima se trguje u BiH, tako da je BiH sve manje zemlja tranzita a sve više zemlja porijekla.

2. 2.6. Neovlaštena proizvodnja i stavljanje u promet opojnih droga

Broj krivičnih djela u vezi sa zloupotrebom **droge je u porastu za 5,06% u odnosu na isti period prethodne godine. Na to ukazuju i podaci u sljedećoj tabeli:**

Red. Br.	MUP-ovi entiteta i Policija Brčko Distrikta BiH	KD zloupotreba droge		
		I-VI 2010.	I-VI 2009.	%
1.	FMUP	138	153	-10,86
2.	MUP RS*	105	105	-
3.	Policija Brčko Distrikta BiH	39	16	143,75
4.	Granična policija BiH	16	17	-6,25
5..	SIPA	13	5	160
Ukupno u BiH		311	296	5,06

*U Republici Srpskoj se djelo **nezakonito posjedovanje opojnih droga** vodi po prekršajnom postupku. Takvih je prekršaja-prijava u prvom polugodištu 2010. godine bilo 78.

U toku prvih šest mjeseci 2010. godine **Granična policija BiH** podnijela je nadležnim tužilaštvima 16 službenih izvještaja (2009. – 17) zbog počinjenih 16 krivičnih djela neovlaštene proizvodnje i stavljanja u promet opojnih droga (2009. - 17) u kojima su prijavljena 22 lica (2009. - 19). Za ova krivična djela najviše je prijavljeno državljana BiH – 16, Slovenije 3, Crne Gore 2 i Srbije 1.

Vrste i količine oduzetih opojnih droga zaplijenjenih na državnoj granici date su u tabeli:

Vrsta droge	I-VI 2010.	I-VI 2009.
Marihuana	1.974,17 g	54,373 g
Marihuana - skank	10.357 g	-
Marihuana - sjemenka	-	13 kom.
Marihuana - stabljika	327 kom.	26 kom.
Kokain	1,05 g	-
Heroin	0,47 g	1.548,27 g
Bromazepam	311 kom.	241 kom.
Diazepam	21 kom.	113 kom.
Spid	0,98 g	-
Amfetamin	4,5 kom	20,05 g

*Naredna tabela prikazuje količinu zaplijenjene droge u **unutrašnjosti** Bosne i Hercegovine u prvih šest mjeseci 2010. i 2009. godine (na osnovu podataka MUP-a RS, Federalnog MUP-a, Policije Brčko Distrikta BiH i SIPA-e):*

Vrsta	I-VI 2010. godine	I-VI 2009. godine
Heroin	14.165 gr + 21 paketić	16.440 gr + 178 paketić
Kokain	2.134 gr + 1 paketić	1.193 gr
Ekstazi	16.821 kom.	1.272 kom.
Amfetamin	1.053 gr	276 gr
Marihuana	104.796 gr + 82 paketića	12.832 gr + 27 paketića
Marihuana - skank	233.868 gr	-
Hašiš	3 gr	16 gr
Kanabis biljka	2.145 kom.	1.927 kom.
Kanabis sjeme	2.923 kom + 64 gr	1.150 kom
Speed	26 gr	430 gr
Heptanon	29 tab.	110 tab + 11 ml.

Iako je količina zaplijenjene droge u unutrašnjosti BiH još uvijek znatno veća nego na njenoj granici (što može biti i zbog operativnih razloga), **u prvih šest mjeseci 2010. godine su ostvareni, u odnosu na prethodne godine, pozitivni pomaci na otkrivanju ilegalnog prometa opojnih droga preko državne granice (posebno u otkrivanju skanka).** Istovremeno, i dr policijske agencije blježe rezultate. Tako je SIPA po nalogu Tužilaštva BiH uhapsila tri osobe s većom količinom kokaina čija se tržišna vrijednost procjenjuje na oko 300.000KM.

2. 2.7. Ilegalna proizvodnja, nabavljanje i stavljanje u promet falsificiranih novčanica

U Bosni i Hercegovini je u prvih šest mjeseci ove godine **došlo do znatnijeg pada krivičnih djela ove vrste kriminala.**

Red. Br.	MUP-ovi entiteta i Policija Brčko Distrikta BiH	Broj KD		
		I-VI 2010.	I-VI 2009.	%
1.	FMUP	47	65	-27,7
2.	MUP RS	34	48	-29,2
3.	Policija Brčko Distrikta BiH	2	1	100
4.	SIPA	1	1	-
Ukupno u BiH		84	115	-26,95

Prema podacima **OSA-e i SIPA-e** i u prvih šest mjeseci 2010. godine bile su prisutne aktivnosti **ilegalne proizvodnje, nabavljanja i stavljanja u promet falsificiranih novčanica**, naročito eura i KM. U njih je bio uključen veći broj osoba sa područja BiH i drugih zemalja (Srbija, Crna Gora, Hrvatska).

Falsificirane su najčešće novčanice u apoenima od 100 eura, dok su KM falsificirane u manjim apoenima. Ove novčanice su visokog kvaliteta, a prodaju se za iznos od 20-30% nominalne vrijednosti novčanice. Prisutnost falsificiranih novčanica uočena je na području sjeveroistočne Bosne. Na prostoru BiH u posljednje vrijeme aktualna je prisutnost falsificiranih kovanica u apoenima od 5 KM.

Pretežnim dijelom radi se o pojedinačnim slučajevima stavljanja u promet falsificiranih novčanica u tržnim centrima, benzinskim pumpama, trgovinama i drugim organizacijama koje posluju gotovinom, koje se otkrivaju odmah ili naknadno pri predaji pazara u banke. Međutim, otkriveno je i nekoliko slučajeva koji ukazuju na izvjesni stepen organiziranosti, uvezanosti sa kriminalnim grupama ili na međunarodne relacije ove pojave.

Osim slučajeva falsificiranja novca, u posljednje vrijeme, na teritoriji BiH, uočeno je i postojanje organizovanih kriminalnih grupa koje se bave falsificiranjem i zloupotrebom platnih kartica, koje su sve češće sredstvo plaćanja u BiH.

2. 2.8. *Krađa i preprodaja ukradenih vozila*

U Bosni i Hercegovini je došlo do **pada krivičnih djela krađe motornih vozila, za (5,91%)**, čime je nastavljen prošlogodišnji trend smanjenja

Red. Br.	MUP-ovi entiteta i Policija Brčko Distrikta BiH	KD krađa motornih vozila		
		I-VI 2010.	I-VI 2009.	%
1.	FMUP	641	628	2
2.	MUP RS	80	139	- 42,44
3.	Policija Brčko Distrikta BiH	11	11	-
Ukupno u BiH		732	778	- 5,91

Smanjenju broja krivičnih djela krađa vozila doprinijeli su konstantni naponi policijskih i sigurnosnih agencija u BiH da se presijeku aktivnosti organiziranih kriminalnih grupa koje su se specijalizirale za krađu i preprodaju vozila kao i reketiranje njihovih vlasnika. Zabrinjava, međutim, podatak da je među izvršiocima ovih krađa i preprodaje više od pola povratnika u činjenju istih ili sličnih krivičnih djela.

2. 2.9. *Krivična djela protiv imovine*

Red. Br.	MUP-ovi entiteta i Policija Brčko Distrikta BiH	KD protiv imovine		
		I-VI 2010.	I – VI 2009.	%
1.	FMUP	7.500	6.820	9,97
2.	MUP RS	3.158	3,793	- 16,74
3.	Policija Brčko Distrikta BiH	354	513	- 30,99
Ukupno u BiH		11,012	11,126	- 1,02

U Bosni i Hercegovini je došlo do smanjenja broja krivičnih djela protiv imovine za 1,02% u odnosu na isti period prošle godine. Među deliktima protiv imovine najbrojnije su teške krađe, većina ih je sa manjom materijalnom štetom.

Raspoloživa saznanja ukazuju da je ovaj vid kriminala međukantonalni problem, s obzirom da se osobe sa područja jednog kantona pojavljuju kao izvršioci teških krađa na području drugih kantona, a sve

češća je i međuentitetska uvezanost izvršilaca ovih krivičnih djela. Objekti napada u vršenju ovih krivičnih djela najčešće su bili stanovi, kuće, trgovinski objekti, te motorna vozila. U nekim je otuđivana tehnička roba, prehrambeni proizvodi, nakit, novac, garderoba, automobili, autodijelovi itd.

U većim urbanim sredinama evidentni su slučajevi vršenja teških krađa na naročito opasan ili naročito drzak način. Izvršioci ovih krivičnih djela su prvenstveno višestruki povratnici i maloljetni delikventi, koji uz prijetnju upotrebe noža i fizičke snage, otuđuju nakit i mobilne telefone, najčešće starijim i maloljetnim osobama na ulici, u stubištima, parkovima i školskim dvorištima.

2.2.10. Razbojništva

Iz grupe krivičnih djela organiziranog kriminala, kao jedan od najtežih delikata, **krivična djela razbojništva i razbojničke krađe, nakon pozitivnih trendova u prvom dijelu prošle godine, u porastu su za 5,68%.**

Red. Br.	MUP-ovi entiteta i Policija Brčko Distrikta BiH	KD razbojništva i razbojničke krađe		
		I-VI 2010.	I-VI 2009.	%
1.	FMUP	467	393	18,82
2.	MUP RS	84	125	- 32,8
3.	Policija Brčko Distrikta BiH	7	10	- 30
Ukupno u BiH		558	528	5,68

U Federaciji BiH rasvijetljeno je 35,8% ovih krivičnih djela registriranih u toku prvih šest mjeseci 2010. godine i za njih je prijavljeno 246 osoba, od kojih su 37 maloljetnika i 132 povratnika u vršenju razbojništava, a rasvijetljeno je i 100 krivičnih djela ove vrste izvršenih u ranijem periodu, pa je ukupna rasvijetljenost povoljna. U Republici Srpskoj ukupna rasvijetljenost je 51,5%.

Objekti napadai dalje su , pored ostalog, banke i pošte, kao i organizacije i agencije koje posluju gotovim novcem. U Bosni i Hercegovini, u prvih šest mjeseci 2010. godine u 21 banci izvršene su oružane razbojničke krađe, te registrirana još tri pokušaja koja su spriječena intervencijom obezbjeđenja.Odnoseno je oko 152,000KM. (U istom periodu prošle godine opljačkano je 10 banaka i dvije pošte i odnjeta suma od oko 93.000KM).Istovremeno, u Bosni i Hercegovini registrirana su razbojništva izvršena na 14 benziskih pumpi , 14 slučajeva, u osam sportskih kladionica i u dvije zlatare. I tu je riječ o znatnoj sumi ukradenog novca, a zabrinjavajući je podatak daje stepen rasvijetljenosti ovih razbojništava ispod 50% i pored prisustva internih kamera i alarma.

2.2.11.Ekonomski (privredni) kriminal

Krivična djela privrednog kriminala su u stalnom porastu. U prvom polugodištu 2010.godine u Bosni i Hercegovini je registrirano 575 krivičnih djela protiv privrede, poslovanja i sigurnosti platnog prometa te iz oblasti poreza, što je za 38,55% više nego u istom periodu prošle godine.

Red. Br.	MUP-ovi entiteta i Policija Brčko Distrikta BiH	Broj krivičnih djela		
		I-VI 2010.	I-VI 2009.	%
1.	FMUP	114	55	107
2.	MUP RS	377	299	26,1
3.	Policija Brčko Distrikta BiH	33	38	- 15
4.	SIPA	40	15	166
5.	Granična policija BiH	11	8	37,5
Ukupno u BiH		575	415	38,55

Ovim krivičnim djelima stečena je protivpravna imovinska korist u iznosu od preko 12,889.800 KM. (U odnosu na isti period prošle godine dva puta veća).

Za razliku od ranijih godina, dominiraju krivična djela obmana pri dobivanju kredita ili drugih pogodnosti.

I dalje je visok procenat krivičnih djela u kojima ima elemenata korupcije (zloupotreba službenog položaja, ovlaštenja u privredi, štetni ugovori, utaja poreza, nedozvoljena trgovina, falsificiranja službene isprave, povreda prava iz radnog odnosa i sl.), i u odnosu na prvo polugodište protekle godine takva djela su u porastu za 35,5%.

Državna agencija za istrage i zaštitu (SIPA) je u ovom periodu, radeći na sprječavanju i otkrivanju krivičnih djela finansijskog kriminala i korupcije nadležnim tužilaštvima podnijela 40 izvještaja o počinjenom krivičnom djelu protiv 89 osoba, odnosno 81 fizičke i osam pravnih osoba, što je znatno više nego predhodnih godina. Prema saznanjima ove agencije, i pored uvođenja PDV-a i Registra, i dalje se dešavaju (u manjem obimu) poreske prevare koje se zasnivaju na „fiktivnim preduzećima“ kao paravanu za uvoz/izvoz robe.

Povećanju broja krivičnih djela iz oblasti privrede uveliko utiče i to što se veliki dio privrednih aktivnosti u BiH zasniva na javnim nabavkama, pa s toga ova oblast predstavlja važan segment djelovanja za kriminalce. Pevare i korupcija u ovoj oblasti su česti, a pribjegava se i zastrašivanju kako bi se došlo do ugovora o javnoj nabavci.

SIPA je u ovom periodu također intenzivno radila na sprječavanju i otkrivanju kriminala u vezi sa krivičnim djelima povrede autorskih prava. Nakon provedenih više operativnih akcija podnijeli su nadležnim tužilaštvima 26 izvještaja o počinjenom krivičnom djelu protiv 33 osobe. U okviru provedenih operativnih akcija izvršeno je više pretresa i oduzeto oko 111.938 nosača slike i zvuka, DVD čitača i pisača, te druge računarske opreme koja je korištena za njihovo krivotvorenje (106.000 u istom periodu prošle godine), čija tržišna vrijednost iznosi oko 840.000 KM (345.000KM u istom periodu 2009.godine).

2.2.12. Krijumčarenje robama i nedozvoljena trgovina

Na sprječavanju krijumčarenja i nelegalne trgovine **Granična policija BiH** preduzela je niz mjera, što je, rezultiralo smanjenjem broja krivičnih djela.

Pregled registriranih krivičnih djela, podnesenih službenih izvještaja i broja prijavljenih osoba prema podacima Granične policije BiH za krivična djela krijumčarenje robama i nedozvoljena trgovina u prvom polugodištu 2010. godine sa uporednim podacima za isti period 2009. godine, dat je u narednoj tabeli:

Vrsta krivičnog djela (kvalifikacija)	Broj krivičnih djela			Broj službenih izvještaja			Broj prijavljenih osoba		
	I-VI 2010.	I-VI 2009.	+/- %	I-VI 2010.	I-VI 2009.	+/- %	I-VI 2010.	I-VI 2009.	+/- %
Krijumčarenje robe	15	27	- 44,44	15	25	- 40	18	35	- 35
Nedozvoljena trgovina	1	1	-	1	1	-	1	1	-

Količine nekih privremeno oduzetih roba date su u slijedećoj tabeli:

Vrsta oduzete robe	I-VI 2010.	I-VI 2009.	+/- %
Cigarete (kutija)	14.489	86.404	- 83,23
Stoka (grla)	142	318	- 55,35
Kafa (kg)	11.136	-	-
Alkoholna pića (L)	268	33	712,12
Tehnička roba (kom)	27	9	200

Kada je riječ o krijumčarenju cigaretama, pored podatka da je Granična policija za šest mjeseci 2010. godine oduzela ukupno 14.489 kutija cigareta, od većih zaplijena treba istaći da su u graničnom pojasu na području Distrikta Brčko od državljanina BiH oduzete 10.892 kutije, te 1.354 kutije cigareta na Graničnom prelazu Gradiška od državljanina Njemačke.

Također, službenici Granične policije su u graničnom pojasu opštine Bileća spriječili krijumčarenje i od državljanina BiH oduzeli 10.800kg kafe.

MUP Republike Srpske prijavio je 10 krivičnih djela nedozvoljene trgovine, što je skoro dva i po puta više nego u istom periodu 2009. godine. Za ova djela podneseno je devet izvještaja protiv 10 osoba. Otkrivene slučajeve policija najčešće predaje u nadležnost tržnoj inspekciji.

2.2.13. Organizirane kriminalne grupe i međunarodna policijska saradnja

Najveći broj organiziranih kriminalnih grupa u Bosni i Hercegovini bavi se krijumčarenjem ljudi, trgovinom droge i krađom i preprodajom ukradenih automobila, kao najunosnijim kriminogenim djelatnostima. Pored toga, prisutno je krijumčarenje vatrenog oružja i municije i njegova prodaja na ilegalnom tržištu te organizirano falsificiranje novca. Jedan broj pripadnika ovih grupa bavi se naručenim ubistvima, ucjenama, otmicama i iznudama, uz napomenu da se broj organiziranih kriminalnih grupa mijenja **jer je stepen obnavljanja procesuiranih grupa i lanaca velik**. Riječ je o kriminalnim grupama koje su dio međunarodnih lanaca i čiji je stepen organiziranosti izrazito velik, koje imaju iskristaliziranu organizacijsku strukturu: od organizatora, suizvršilaca, saučesnika do pomagača.

U prvih šest mjeseci 2010.godine u Bosni i Hercegovini je brojnim policijskim akcijama presječena djelatnost preko 20 raznih grupa (od tri i više osoba).

Postojeće indicije upućuju na pretpostavku da djelatnost ovih grupa nije pojedinačna i neplanska već da iza njihove kriminalne djelatnosti ipak stoje uvezana ilegalna tržišta droge, krijumčarenog oružja, seksualnog iskorištavanja odnosno prostitucije i krijumčarenja ljudi, sa svim svojim cikličnim periodima ponude i potražnje, te da su i ostali oblici organiziranog kriminala (prije svega krađe automobila te oružane pljačke banaka i benzinskih pumpi, zbog velikog stepena organiziranosti i planiranja na prostoru BiH) na izvjestan način uvezane i planirane od strane „kreatora“ i „planera“ takvog ilegalnog, kriminalnog, „tržišta“, što podrazumijeva da treba tragati i za samim vrhom organiziranog kriminala koji i ne mora biti u Bosni i Hercegovini.

Organizirani kriminal je, dakle, davno prestao biti ograničen samo na određene zemlje, te kao globalni problem, zahtijeva dobro osmišljen odgovor. Na osnovu urađenih procjena prijetnji organiziranog kriminala za regiju Jugoistočne Evrope (OCTA SEE), policije zemalja u Regionu su pripremile i realizirale više zajedničkih akcija na suzbijanju djelovanja razgranatih međunarodnih organiziranih kriminalnih grupa. **Sve ove akcije pokazale su da uspješna borba protiv organiziranog kriminala nije moguća bez visokog nivoa povjerenja i profesionalne saradnje na međunarodnom ali i nivou unutar Bosne i Hercegovine.**

2.3.Javni red i mir

Stanje javnog reda i mira u Bosni i Hercegovini **je u odnosu na isti period prošle godine nepovoljnije**. Povećan je broj prekršaja za 3,54 %.

Red. Br.	MUP-ovi entiteta i Policija Brčko Distrikta BiH	PREKRŠAJI		
		I-VI 2010.	I-VI 2009.	%
1.	FMUP	10,465	9.812	6,65
2.	MUP RS	4.397	4.472	- 1,7
3.	Policija Brčko Distrikta BiH	107	153	- 30,07
4.	Granična policija BiH	8	27	- 70,37
Ukupno u BiH		14.977	14.464	3,54

Od prekršaja iz zakona o javnom redu i miru najbrojnije su tuče, zatim naručito drsko ponašanje, prosjačenje, **odbijanje naređenja i omalovažavanje policijskih službenika**, svađa, vika i nepristojno ponašanje, **neovlaštena upotreba oružja**, paljenje petardi i **uživanje opojne droge na javnom mjestu**.

Najveći broj prekršaja registriran je na ulici i drugim otvorenim prostorima, zatim ugostiteljskim objektima, školama i školskim dvorištima, sportskim stadionima i dvoranama, vozilima javnog saobraćaja, te ostalim mjestima.

Posljedice u narušavanju javnog reda i mira u prvih šest mjeseci 2010. godine su sedam teže povrijeđenih osoba i 1,053 lakše povrijeđenih. Prilikom intervencija jedan pripadnik policije je poginuo, devet teže i 104 lakše povrijeđeno, a protiv počinitelja podneseni su službeni izvještaji o počinjenom krivičnom djelu.

3. Procjena stanja sigurnosti u Bosni i Hercegovini u narednih šest mjeseci 2010. godine

Utjecaji globalne privredne krize i njihov dalji destabilizirajući učinak na kvalitet života i sigurnost građana u Bosni i Hercegovini (porast nezaposlenosti i pad privrednih aktivnosti) su ključna područja rizika i zabrinutosti koje mogu direktno utjecati na stanje sigurnosti u BiH u prvih šest mjeseci 2010. godine. K tome treba dodati i moguća usporavanja u provođenju preostalih obaveza koje proistječu iz procesa pridruživanja euroatlantskim integracijama, što sve može imati negativne posljedice u ostvarivanju bitnih ciljeva sigurnosne politike Bosne i Hercegovine i to u:

- daljem razvoju demokratije i jačanju parlamentarnog političkog sistema, vladavini prava, bržem ekonomskom oporavku i privrednom razvoju, podizanju životnog standarda, razvoju mehanizama socijalne i zdravstvene zaštite stanovništva, te zaštiti prirodnog i kulturnog bogatstva zemlje;
- uspostavi i daljem razvoju institucija sistema sigurnosti sposobnih da odgovore na sve rizike i prijetnje osnovnim vrijednostima i interesima Bosne i Hercegovine;
- aktivnom učešću u izgradnji zajedničke sigurnosti na regionalnom i općem planu pristupanjem međunarodnim sigurnosnim konvencijama, evropskim i euroatlantskim strukturama;
- oporavku i razvoju privrednog potencijala, čime će se dugoročno osigurati resursi i sredstva za efikasno suprotstavljanje sigurnosnim rizicima i prijetnjama.

Također, stabilnost uže i šire regije je trajan interes Bosne i Hercegovine. Izgrađivanje dobrih odnosa i saradnje sa susjedima i zemljama šire regije, razvoj demokratskih procesa u tim zemljama i procesa njihove evropske integracije, pozitivno utječu na jačanje unutrašnje sigurnosti Bosne i Hercegovine. **Ovaj proces je i obrnutog smjera.**

Ova sigurnosna procjena, **prijetnji međunarodnog terorizma daje adekvatnu pozornost ostavljajući je i dalje u najvećim prijetnjama po sigurnost BiH.** Međunarodni teroristi, ostaju opasni, prilagodljivi i voljni napasti američke i zapadne interese širom svijeta. **Teroristički akt u Bugojnu, koji je bio napad na državu BiH, pokazao je da sigurnosni sektor prije svega mora preventivno djelovati uz primjenu svih zakonskih mjera da se tako nešto ne bi ponovilo.** S tim u vezi nadležne policijske i druge sigurnosne agencije treba u narednom period još intenzivnije da vrše operativne

provjere i prikupljanje sigurnosnih saznanja za sve osobe interesantne sa aspekta borbe protiv terorizma, koje se nalaze na listi Vijeća sigurnosti UN-a i da ih razmjenjuju.

Pad privrednih aktivnosti, porast nezaposlenosti i siromaštva, uz moguću radikalizaciju socijalnih tenzija, **izvor je porasta svih vrsta kriminala, pa i organiziranog.** To može dovesti do ponovnog porasta “najprofitabilnijih” oblika kriminala- krađe automobila, neovlaštene proizvodnje i stavljanja u promet opojnih droga, krijumčarenja i trgovine ljudima i ilegalne trgovine oružja. Kao posljedica ovakvog porasta kriminala javljaju se nove i bolje organizirane grupe kriminalaca, kao i „val“ povratnika-ranije osuđivanih osoba, prije svega maloljetnih prijestupnika, bez obzira na dotad preduzete policijske mjere. Da su ovakva negativna kretanja moguća, ukazuju prisutni izazovi (globalni, regionalni i unutrašnji) kao i realni rizici kojima je sigurnost BiH stalno izložena, a na njih upućuju i određene višegodišnje sigurnosne statistike. Usporavanja u provođenju neophodnih reformi (najčešće zbog nedostatka političke volje i konsenzusa) doprinijela bi slabljenu resursa i kapaciteta zaduženih za uspješnu prevenciju i odbranu društva od ovakvih tendencija u kriminalu.

U Informaciji o stanju sigurnosti u BiH u 2009.godini data je procjena kretanja negativnih tendencija u BiH u prvih šest mjeseci 2010.godine. U zaplijeni količine heroina bilo je predviđeno **povećanje** ali je registrovano **smanjenje** količine. To je rezultat policijskih akcija u BiH, ali i policija nekih zemalja Regiona, prije svega rumunske policije koja je zaplijenila preko 100kg heroina u jednom kamionu, te akcije policije Srbije protiv narko dilera, što je smanjilo priliv ove droge u BiH. Do kraja 2010.godine u BiH se može očekivati, posebno na granici prema Crnoj Gori i Srbiji, jače krijumčarenje ove vrste droge.

U zaplijeni droge kokain predviđeno je **povećanje** količine **što se i desilo.** To jasno ukazuje da ove droge ima u dovoljnim količinama za ilegalno tržište u BiH, i da će nedavni uspjesi policija zemalja Regiona, u saradnji sa američkom sigurnosnom službom i zemljama Latinske Amerike u zaplijeni ove droge (zaplijenjeno pola tone) dati rezultate u drugom djelu 2010.godine, pa se do kraja ove godine u BiH očekuju **još veće zaplijene ali i veća cijana ovom narkotiku.**

Kad je riječ o ekstaziju i amfetaminu, predviđala se **stagnacija** u zaplijeni ali je došlo do **povećanja** količine pa se u drugoj polovini ove godine može očekivati **nastavak takve tendencije.**

Marihuana je već više godina dominirajuća droga u BiH. Predviđalo se **blago povećanje** zaplijenjene količine a registrirano je **osjetno povećanje**, kako sjemnji tako i biljaka („zasada“) te prerađene droge. Posebno je sve prisutniji skank. Do kraja ove godine može se očekivati povećanje zaplijene ove droge.

Kad je riječ o drugim oblicima organizovanog kriminala, u broju krivičnih djela krađe i preprodaje motornih vozila predviđena je **stagnacija** a registrovan je **pad**, što je rezultat policijskih planski sprovedenih operativnih akcija kontrole autootpada sa ciljem otkrivanja i dokumentovanja krivičnih djela i pronalaska ukradenih automobila te presjecanja sprege kriminalnih grupa koje krađu vozila i isporučuju ih autootpadima, gdje se rastavljaju i prodaju u dijelovima. Do kraja godine može se očekivati **nastavak pada** broja ovih krivičnih djela, ali i stvaranje novih grupa lociranih prema granici sa Srbijom i Crnom Gorom s obzirom da su u prethodnim policijskim akcijama neke grupe „pale“.

U oblasti krivičnih djela krijumčarenje osoba i trgovina ljudima bio je predviđen **blagi porast** a ostvarena je stagnacija što se može očekivati i do kraja godine.

U prvih šest mjeseci ove godine bio je predviđen **blagi pad** u broju razbojničkih krađa u bankama i poštama u BiH, a registrirano je **duplo više** takvih napada. Kad je riječ o sumi opljačkanog novca, predviđao se **blaži porast** što se **i desilo**. Do kraja ove godine može se očekivati **porast broja** ove vrste krivičnih djela.

Za krivična djela u vezi ilegalnog držanja i trgovine oružijem bilo je predviđanje da će biti **u stagnaciji** jer su više godina zaredom ova krivična djela bila konstantno u porastu. Međutim, registrovan je **pad** a do kraja godine može se ipak očekivati **blaže povećanje** s obzirom na neke podatke da ponovo oživljava ilegalna trgovina oružija.

Da bi se očekivane negativne tendencije spriječile a pozitivne održale, u periodu juni-decembar 2010.godine, potrebno je poduzeti sljedeće mjere i radnje:

4. Mjere i radnje u periodu narednih šest mjeseci 2010. godine

- **-U oblasti organiziranog kriminala:** provođenje Akcionog plana za sprovedbu Strategije BiH za borbu protiv organiziranog kriminala 2009.-2012. godina; usvojiti Zakon o izmjenama i dopunama Zakona o krivičnom postupku BiH u cilju primjene posebne istražne radnje pristup kompjuterskim sistemima i kompjutersko sravnjenje podataka, u pravcu pristupa policijskih agencija automatskim bazama podataka koje vode organi uprave, pravne i fizičke osobe prema unaprijed utvrđenim kriminalističkim kriterijima, u cilju otkrivanja ili sužavanja kruga osumnjičenih, pronalaženja drugih osoba i predmeta; Prijedlog zakona o razmijeni policijskih podataka; Prijedlog uputstva o izdavanju ili privremenom mijenjanju potvrda i drugih dokumenata neophodnih za stvaranje ili održavanje privremeno izmijenjenog identiteta lica pod zaštitom i zaposlenih u Odjelu za zaštitu svjedoka SIPA-e.
- **U oblasti borbe protiv zloupotrebe droga:** uraditi Prijedlog zakona o izmjenama i dopunama Zakona o sprječavanju i suzbijanju zloupotrebe opojnih droga, u cilju poboljšanja postojećih zakonskih rješenja; Prijedlog pravilnika o čuvanju i uništavanju oduzetih opojnih droga.
- **U oblasti borbe protiv krađe motornih vozila:** postupiti po zaključcima Vijeća ministara BiH povodom Izvještaja Ministarstva sigurnosti o provođenju Akcionog plana za spriječavanje i suzbijanje krivičnih djela u vezi s motornim vozilima; Prijedlog izmjene i dopune postojećeg Pravilnika o unutrašnjoj organizaciji Granične policije BiH; revidiranje Sporazuma o dredivanju graničnih prijelaza između BiH i Republike Hrvatske revidiranje Sporazuma u pograničnom saobraćaju između BiH i Republike Hrvatske.

- **U segmentu krijumčarenje osoba i trgovina ljudima u BiH:** Zakon o izmjenama i dopunama Zakona o Državnoj agenciji za istrage i zaštitu u cilju usvajanja nove efikasnije organizacije Agencije što bi rezultiralo jačanjem njenih operativnih kapaciteta;
- **U oblasti borbe protiv ilegalne trgovine oružjem, razbojništava i oružanih pljački banaka i pošta:** postići kompromisnu usaglašenost stavova entitetskih institucija oko prijedloga zakona o oružju i zakona o zaštitarskim firmama, ili bar harmonizaciju postojećih entitetskih zakona u dijelu pooštavanja kriterija za dozvolu nošenja oružja kao i u pogledu provjere zaposlenih u zaštitarskim firmama; Prijedlog zakona o prevozu opasnih materija.
- **U borbi protiv korupcije:** donošenje Pravilnika o unutrašnjoj organizaciji Agencije za prevenciju korupcije i koordinaciju borbe protiv korupcije; nastaviti implementaciju GRECO preporuka;
- **U oblasti pranja novca i finansiranja terorizma:** unaprijediti saradnju između Finansijsko-obavještajnog odjela SIPA-e i organa za provođenje zakona na nivou entiteta; izmjenama postojećeg Zakona o sprečavanju pranja novca i finansiranja terorističkih aktivnosti omogućiti bolje provođenje mjera spriječavanja i nadzora i njima obuhvatiti nebankarske finansijske institucije i posrednike kao i uvažiti činjenicu da je uvođenje PDV-a promijenilo tipologiju pranja novca a pojačalo potrebu saradnje sa Upravom za indirektno oporezivanje.